



МЕСЯЦА СЕНТЯБРЯ ВО 2-й ДЕНЬ

Святаго мученика Маманта.
И преподобнаго отца нашего Иоанна постника,
Патриарха Царяграда

ВЕЧЕР

Обычная кафисма. На Господи, возвах: стихиры,
глас 8.



Подобен: О, преславнаго чудесе:
рови твоей каплющи, / Жизнодавцу Христу, /
Кровь Свою тебе ради изливавшему, / привелся
еси, блаженне, / Иже и общника ты славы содея, /
и Царства Своего спричастника, / яко добльство-
вавши на лстываго / и лютыя сего козни // до конца
угасивши.

Столп благочестия был еси, / основан твердо на
камени веры, / искушеными негиблемь / и бедами, бла-
женне. / Со мною бо бурею и волнением / тебе прира-
зившиися волны / твоея не низложиша неуклонныя
крепости: / мученическим бо венцем // украситися
вождедел еси.

Воплощшемуся Богу нашему / и Страстию крестною /
низложившему мучителя / живоносным стопам, стра-
стотерпче, последуя, / в мученическое, радуясь, вшел
еси судилище, / и, ранами протерзаемь, / хвлящагося
погубити в море с плотию, / мучениче, уязвил еси, //
и на землю низложил еси.

Ины стихиры преподобнаго, глас и подобен тойже:

Отче Иоанне всечестне, / мирскаго отступив мятеж-
наго смешения, / Христове же притекл еси / тишине,
всепреподобне, / и видения и божественнаго деяния /

всебогáтными я́сно сия́нии/ и́стинно обогати́лся еси́,/ и ве́рным пре́дал еси́, // боголе́пным жити́ем уясня́емь, блаже́нне.

О́тче Иоáнне всече́стне,/ ты оде́жду че́стно,/ я́коже Ааро́н вторы́й, укра́шен,/ Святы́х Свята́я ны́не зри́ши,/ вну́три быв и вторы́я завесе́./ О неизрече́ннаго твоего́/ па́че ума́ сия́ния,/ иера́рхов божество́нное удо́брение, // ему́же причасти́лся еси́.

О́тче Иоáнне всему́дре,/ богови́ден быв/ нра́ва простото́ю,/ Бо́гу ны́не предста́иши,/ соедине́нием лу́чшим/ и непреста́нным манове́нием обожа́емь/ и отону́дным све́том исполня́емь,/ ума́ чистото́ю, ду́ши све́тлостию, // иера́рхов божество́нное украше́ние и свяще́нейшее.

Сла́ва, му́ченика, глас 2. Византи́ево:

Нов сад, я́коже ма́слина,/ на Бо́жии трапезе́ положи́лся еси́,/ я́ко сын ходя́щих путе́м Господни́м:/ муче́ния ра́ди благослови́ тя Госпо́дь,/ и зри́ши благая́ го́рняго Сио́на,/ наслажда́ясь Божество́ннаго ра́дования/ с роди́телями вѣну́,/ Ма́манте досто́йнопѣты́й, // имже о́бщники ны мольба́ми твои́ми бѣ́ти сотвори́.

И ны́не, Богоро́дичен или́ Крестобогоро́дичен, глас то́йже.

Подобен: Егда́ от Древа́:

Егда́ нескве́рная А́гница ви́де Своего́ А́гнца,/ на заколе́ние, я́ко челове́ка, волею́ влеко́ма,/ рыда́ющи глаго́лаше:/ безча́дствовати́ Мя ны́не тщи́шися, Христе́, Тебе́ ро́ждшую./ Что́ сие́ сотвори́л еси́,/ Изба́вителю́ вся́ческих?/ Оба́че воспева́ю и сла́влю/ Твою́, ю́же па́че ума́ и сло́ва, // кра́йнюю бла́гость, Человеколю́бче.

На стихо́вне Окто́иха.

Сла́ва, му́ченика, глас 4:

Прииди́те, согла́сно, ве́рнии,/ па́мь соверши́м Ма́манта му́ченика,/ сей бо но́вый А́вель яви́ся нам:/ я́коже бо он, па́стырь овец́ быв,/ а́гнца на же́ртву пе́рвый приведе́/ и вене́ц страда́ния пе́рвый прия́т,/ та́ко и сла́вный страстоно́сец,/ пита́нными ста́ды преизя́ществовав,/ себе́ сама́го же́ртву благоприя́тну Христу́ приведе́ муче́нием/ и, дерзнове́ние имѣя́ к Нему́,/ мир ми́ру про́сит // и ду́шам на́шим ве́лию ми́лость.

И ныне, Богородичен или Крестобогородичен, глас тойже.

Подобен: Яко дбля:

Распинаема видящи/ и в ребра прободается копием/
Пречистая Христа Человеколюбца,/ плакаше, вопи-
юще:/ что сие, Сыне Мой?/ Что Тебе неблагоприятии
людие воздаша,/ вместо яже сотворил еси добрая
им?/ И тщишия безчадствовати Мя, Вселюбезнейше?//
Дивлюся, Благоутробне, Твоему вольному распятию.

Тропарь мученика, глас 4:

Мученик Твой, Господи, Мамант/ во страдании
своем венец прият нетленный от Тебе, Бога на-
шего:/ имей бо крепость Твою,/ мучителей низложи,/
сокруши и демонов немощныя дерзости./ Того молит-
вами// спаси души наша.

Слава, преподобнаго, глас тойже:

Правило веры и образ кротости,/ воздержания учи-
теля/ яви тя стаду твоему/ Яже вещей Истина:/
сего ради стяжал еси смирением высокая,/ нищетю
богатая,/ отче Иоанне,/ моли Христа Бога// спаси
душам нашим.

**И ныне, Богородичен, по гласу, или Крестобогоро-
дичен.**

НА УТРЕНИ

**Канон Октоиха един со ирмосом на 6 и святых два.
Канон мученика, на 4. Творение Феофаново. Глас 8.**

Песнь 1

**Ирмос: Колесницегонителя фараона погрузи/ чудо-
твори ииногда/ Моисейский жезл, крестообразно пора-
зив/ и разделив море,/ Израиля же беглеца, пешеходца
спасе,// песнь Богу воспевающа.**

Небеса обходя, яко изряден мученик быв,/ и Триси-
янные Зари, славне, исполняяся,/ на земли чествую-
щая твой честный и светносный день скончания/
Божественнаго просвещения сподоби.

Благородие и по всем совершенное ума твоего про-
ведый/ Слово, Маманте, от пелен твараума исполни/
и добрых сладостями многовидно украси,/ мучениче
страстотерпче всехвальне.

Родителие твой непорочныя веры, предбедствующе,/ во изгнании прелести, заключаеми в темницах,/ Божиими веленьми прозябоша тебе,/ разорившаго многобожия союз.

Богородичен: Преславная о Тебе глаголашася в родех родов,/ Яже Бога Слова во чреве вместивши,/ чиста же пребываеши, Богородице Марие./ Тем Тя вси чествум, по Бозе предстательство наше.

**Ин канон преподобнаго Иоанна, на 4.
Творение Германово. Глас тойже.**

Песнь 1

Ирмос: *Истрысшему в мори мучительство фараоне/ и Израиля сушею наставьшему, // поим Христу, яко прославися во веки.*

Восиявшему в мире иерарха мудраго,/ Царствия сияющаго велении,/ воспойм Христу, яко прославися во веки.

Просиявшаго в мире благочестия светом/ и нечестия мглу отгнавшаго, почтим, вернии,/ яко иерарха великаго, Иоанна.

Яко предстоя со Ангелы неприступному Царю,/ совершающим твою память моли дароватися очищению,/ священнопроповедниче, всеблаженне Иоанне.

Богородичен: Яко зачениши Превечное Безначальное Слово Отчее/ и плотию рождши паче слова, Всепетая,/ моли прилежно, еже избавитися нам от бед.

Песнь 3

Ирмос: *Небснаго круга Верхотворче, Господи,/ и Церкви Зиждителю,/ Ты мене утверди в любви Твоей,/ желаний Краю, верных Утверждение, // Единое Человеколюбче.*

Яко светозарну звездю,/ страстотерпца Маманта положи Христос на высоте Церкви Своея,/ страданий светлостями и преславных чудес/ всю подсолнечную просвещающа.

Возшед на гору истиннаго знания/ и облистався видении ума чистотою,/ естество безсловесное к словесному песнопению/ Божественными повелении, блаженне, воздвигл еси.

Юноша красен добротою был еси, / тем беззаконно ищущим яти тя явился еси неприступен, / Пришедшему на Страсть, яко всех Господу, приведёся.

Богородичен: Небо Прострый / и земный, Пречистая, круг Содержай весь естеством Божества / на объятиих Твоих плотию держимь бысть / и верным Тя утверждение всем показá.

Ин

Ирмос: Утверждей Словои Небеса / и землю основавый на водах многих, // утверди мя к пению славословия Твоего, Господи.

Воздержанием, отче, и молитвою неуклонною / возшел еси к вышнему граду добродетелей, богоносе, / идеже сладости поток, питаешься.

Яко дерзновение имея к Богу, / иерарше преподобне, Иоанне мудре, моли спастися / верою совершающим память твою.

Яко благочестивых догматов наставник / и мудрых словес сказатель истинен, / венцем увязлся еси на ереси, преподобне.

Богородичен: Яко небо и престол Тя Божий, / воспеваем вси, Богородительнице Чистая, / яко из Тебе явился Иисус Христос Истина.

Седáлен мученика, глас 8.

Подобен: Премудрости:

Благочестия сый рождение честно, / нечестия показался еси потребитель, Маманте всехвальне, силою Духа: / в тризнице бо леств идольскую обличил еси / и благодёрзостно Троицу пети проповедал еси. / Тем же и зверем вдан быв, страстности, / зверя уморил еси и злоначальнаго змия. / Сего ради вопием ти: / моли Христа Бога согрешений оставление даровати / чествующим любовьию святую память твою.

Слава, преподобнаго, глас 3.

Подобен: Божественныя веры:

Сосуд Божественный воздержания, / богатство некрадомо благочестия показался еси, Иоанне блаженне, / в безстрастии уяснив житие твое, / требующия обогатив милостынею, отче преподобне. / Христа Бога моли даровати нам велию милость.

И ныне, Богородичен:

Божественная скѣния была еси Слова, еди́на Пречѣстая Дѣво Мати, / чистото́ю Ангелы превозше́дшая, / па́че всех мене́ персть бѣвша, оскверне́на плотскими прегреше́ньми, / очисти моли́тв Твои́х Божественными вода́ми, / подаю́щи, Чѣстая, ве́лию ми́лость.

Крестобогородичен:

Несквѣрная А́гница, Слова нетле́нная Дѣво Мати, / на Крестѣ зря́щи повѣшена из Нея́ безболѣзненно Прозя́бшаго, / матероле́пно рыда́ющи, взыва́ше: / увы́, Ча́до Моё, ка́ко стра́ждеша, / хотя́ избавити от страсте́й безчѣстия челове́ка?

Песнь 4

Ирмос: Ты моя крѣпость, Го́споди, / Ты моя и си́ла, / Ты мой Бог, Ты моё ра́дование, / не оста́вь не́дра Отца / и на́шу нищету́ посетив. / Тем с проро́ком Авваку́мом зову́ Ти: // си́ле Твое́й сла́ва, Человеколю́бче.

Самово́льне к подвиго́м отлучи́лся еси́, неужасно, сла́вне, му́дростию: / Христа́ бо имѣл еси́ помога́юща Божественною си́лою, / немо́щ твою́ утвержда́юща и свидѣтеля показу́юща Свои́х Страда́ний / и вы́шней све́лости прича́стника.

Я́ко помо́щник, я́же от Бо́га, спутник твой, / покаря́шеся, я́коже словѣснейший, дѣвѣй зверь, / Божественною бо любво́ию ты покорѣл еси́ стра́сти безсловѣснейшия, / красѣн яви́лся еси́ помы́слом мудре́йшим, / безсловѣсие враго́в побѣждь.

Пред судѣлищи мучи́телей ты предста́, / Слова воплоще́ние, блаже́нне, прѣявле́нно возглаша́я, / и безбо́жия низлага́я свирѣ́пство, / и вся несомне́нно пе́ти науча́я: / си́ле Твое́й сла́ва, Человеколю́бче.

Богородичен: Рождѣнием преестѣственным Рождества́ Твоего́ / болѣзней грех разреши́ся, / и от кля́твы земноро́дных естество́ измени́ся, / Богороди́тельнице Всенепоро́чная, / и отверзо́шася до́льным Тебе́ ра́ди го́рняя, / и со Ангелы челове́цы ликуют.

Ин

Ирмос: Та́йно проро́к предзря́ / от Дѣвы Тя, Сло́ве, воплоща́ема, / пѣсенно вопия́ше: // сла́ва си́ле Твое́й, Го́споди.

Иерарха вси мўдраго в пёснях восхвалим, глаголюще:/ богонóсе Иоáнне,/ моли́ся Гóсподу прилэжно, спаст́ся нам.

Яко благочест́вых догмáтов насад́теля/ и мўдра иерарха ты имўще, богоблаже́нне óтче,/ пёсньми и пёньми восхваля́ем ты.

Священную твою́ па́мять, вёрнии,/ первонача́льниче, пита́телю сла́вне, иерарше Гóсподень,/ пёньми и пёсньми пра́зднуем.

Богорóдичен: Безневéстная Невéсто/ и Ч́стая и Несквёрная Мáти Христа́ Бóга,/ Того́ непрестáнно моли́ спасти́ дўши пою́щих Тя.

Песнь 5

Ирмо́с: *Вску́ю мя отр́нул еси́/ от лица́ Твоего́, Свёте незаход́имый,/ и покрýла мя ест́ чужда́я тьма, окаяннаго?/ Но обрати́ мя и к свёту за́поведей Твои́х// пут́и моя́ напра́ви, молю́ся.*

Стру́жемь, ника́коже о телеси́ сла́вный Ма́мант пече́ся,/ тлэ́ния дебельствó растерза́тися отлож́ив,/ и ко́жныя совлэ́к р́изы,/ и оде́жду нетлэ́ния приём.

Благодáрственную хвалу́ пел еси́ Зижд́ителю твоему́,/ ископова́емь в ре́бра, всеблаже́нне,/ и глас с Небесé услы́шал еси́, утвержда́ющ па́че по́мысл твой к лу́чшему/ и страда́ний болéзнь облегла́ющ.

В темни́це заключэ́ну яви́ся с Небесé тебе́, нося́щи пресла́вно видэ́ние,/ страсотэ́рпче всеблаже́нне, многострада́льне,/ пи́щу нетлэ́ния, голу́бца красне́йша:/ тлэ́ния бо преде́лы премину́л еси́.

Богорóдичен: Воплощё́ния Божэ́ственнаго/ и преме́нения несказáннаго Ты была́ еси́ Ходáтаица,/ Я́же прэ́жде со́лнца из Отца́ Рождэ́ннаго рóждши:/ Тобо́ю бо естество́ земных́ Бóгу совокуп́ися/ и на Престо́ле Сла́вы посади́ся.

Ин

Ирмо́с: *От но́щи невэ́дения/ боговэ́дением просвет́ивый концы́,// просвет́и́ мя ўтром человеколю́бия Твоего́, Гóсподи.*

Пáстырски пома́зался еси́ благочэ́стия м́ром, богомўдре,/ тем я́ко иерарха вси восхваля́ем ты, преподóбне.

Яко подражатель сый апостолов, богомудре славне,/ болѣзными и бдении,/ церковным предстательство-вал еси людем.

Ревнителю Илиї и Моисѣю боговидцу/ поревновал еси, отче священноявленне,/ и ересеначальники по-срамил еси.

Богородичен: Яко Царицу вси и Царя всех рождшую,/ приидите, со Ангелом Благословенную почтим.

Песнь 6

Ирмос: Очисти мя, Спасе,/ многа бо беззакония моя,/ и из глубины зол возведи, молюся,/ к Тебе бо возопих, и услыши мя, // Боже спасения моего.

Ревностию к Богу распалаемь, священнейше,/ о поджигающем пламени никакоже попеклся еси,/ Божественным орошаемь с Небесѣ дождем,/ страдальче доблестнейше.

Юношам трием Претворивый пещь в росу свето-явленно,/ богомудре, всеблаженне, от пламене исхити ты/ и огня показá преславно сильнейша.

Величайшия претерпевая подвиги,/ явился еси превеличайш, в страдальцах чуден,/ в мученицех же искусен./ Тем и величайших ты Подвигоположник воздаяний сподоби.

Богородичен: Быхом общницы Божественному есте-ству, Пречистая,/ Божественным Рождеством Твоим,/ и покой Небесный, со ангельскими чинми Тя восхваляющеи,/ во Христѣ наследствовахом.

Ин

Ирмос: Якоже пророка избавил еси из глубины пре-исподняя, Христѣ Боже,/ и мене от грехов моих избави, яко Человеколюбец, // и управи живот мой, молюся.

Церковную славу украсил еси, Иоанне блаженне,/ Божественными твоими догматы и мудрыми наказа-нии,/ ереси же исчезновены сотворил еси.

Яко светильник благочестия,/ догматов твоих добро-тою облистал еси по всей твари, богомудре учителю,/ и помрачил еси ереси словом Божиим.

Вместо мечá языком и словом вооружився, преподабне,/ безусловная отсекл еси учения вся/ и уяснил еси всем Троицу яве.

Богорóдичен: Рождэйся из Дёвы и мир просвещей, Христé Бóже,/ и менé от прегрешéний моих избáви, я́ко Человеколюбец,/ и упра́ви жизнь мою́, молю́ся.

Конда́к, глас 3.

Подóбен: Дёва днесь:

Жезлóm, свя́те, от Бóга тебе́ да́нным,/ лю́ди тво́я упаси́ на па́житех живоно́сных,/ зве́ри же неви́димыя и неукроти́мыя/ сокруши́ под но́ги тя пою́щих,/ я́ко вси, и́же в бедáх, // предстáтеля тя тéпла, Мáманте, и́мут.

И́кос:

И́же по всей землѣ преслáвнаго тя мýченика/ и на Небесéх со А́нгелы ликую́ща воспо́йм, Мáманте,/ пёрвее елэни в пусты́нях я́ве до́яща,/ и ны́не богатныя лю́ди Господни/ жезлóm сѣлы, я́ко па́стыря добра́, пасу́ща/ и путеводя́ща на мéсто злáчно,/ иде́же есть и́стинно ра́йская слáдость,/ то́я бо ра́ди мир оста́вил еси́,/ я́ко да вси тя предстáтеля, Мáманте, тéпла и́мут.

Песнь 7

Ирмо́с: Бóжия снизхождéния/ огонь устыдéся в Вавилóне иногдá,/ сегó ра́ди óтроцы в пещѣ ра́дованною ного́ю,/ я́ко во цвётнице, ликую́ще, по́яху:// благословéн еси́, Бóже отéц нáших.

Пéщи вид я́коже хлáда потрéбное тебе́ испóлни,/ на дни бо мно́гия в той, Мáманте, затворéн,/ не опалѣлся еси́, вопи́я Сотвор́шему:/ благословéн Бог отéц нáших.

А́нгелы сприёмники, слико́вники тебе́/ и óбщники неизглаго́ланных пéсней/ посреде́ пла́мене, мýчениче, имéл еси́,/ с нѣмиже всех Влады́це взыва́л еси́:/ благословéн Бог отéц нáших.

Я́ко шѣпок неувыда́емь,/ я́ко от черто́га жени́х, исходя́, красне́йший, и́стинно от пéщи,/ попалѣв безумныя и зря́ция просветѣв, зову́щия:/ благословéн Бог отéц нáших.

Богорóдичен: Се ны́не испóлнися богоглаго́ливаго проречéние,/ во утробе́ бо, Дёво, Бóга Сло́ва имéла еси́/ и родила́ еси́ Жизнода́вца,/ Емúже вси зовéм: благословéн Бог отéц нáших.

Ин

Ирмос: *В нача́ле зéмлю основáвый/ и Небеса́ сло́вом утверди́вый,/ благословéн еси́ во ве́ки, // Го́споди, Бо́же оте́ц на́ших.*

Иже на землі свети́льника показáвый/ благочести́ваго и му́драго иерáрха,/ благословéн еси́ во ве́ки, Го́споди, Бо́же оте́ц на́ших.

Истиннаго Иоáнна вели́каго па́стве Твое́й па́стыря показáвый,/ благословéн еси́ во ве́ки, Го́споди, Бо́же оте́ц на́ших.

Плотская́ привоста́ния, о́тче, низложив, Христу́ вопия́л еси́:/ благословéн еси́ во ве́ки, Го́споди, Бо́же оте́ц на́ших.

Богоро́дичен: **Н**ас ра́ди роди́выйся из Де́вы/ и от врага́ изба́вивый мир,/ благословéн еси́ во ве́ки, Го́споди, Бо́же оте́ц на́ших.

Песнь 8

Ирмос: *Седмери́цею пещь халде́йский мучи́тель/ богочести́вым нейстовно разжже́,/ си́лою же лу́чшею спасены́ сия́ ви́дев,/ Творцу́ и Изба́вителю вопия́ше:/ о́троцы, благослови́те,/ священни́цы, воспо́йте, // лю́дие, превозноси́те во вся ве́ки.*

Яко Дани́ил, зия́ния звере́й заустíл еси́/ Божéственным Влады́ки призва́нием, сла́вне,/ зми́я умертви́л еси́, злочести́выя посрами́л еси́/ и, я́ко победите́ль, на Небесе́х, поя́, живёши в весе́лии:/ священни́цы, благослови́те, лю́дие, превозноси́те во вся ве́ки.

Побивáху ка́мением тя, блаже́нне,/ ка́мению слуша́щи и окамене́ннии душе́ю пребеззакóннии,/ о́ко воздвизáюща священны́я твоея́, мучени́че, души́/ к неразсе́дному и неукло́нному Ка́меню/ и пою́ща усер́дно:/ священни́цы, благослови́те, лю́дие, превозноси́те во вся ве́ки.

Подвигополо́жник, свы́ше тебе́ простира́я венéц,/ я́коже победите́лю и до́брый прошéдшу по́двиг, пребога́те,/ возглаша́ет тебе́ е́же к Нему́ спешити́ честное́ и сладча́йшее шéствие,/ усер́дно пою́щу:/ священни́цы, благослови́те, лю́дие, превозноси́те во вся ве́ки.

Богоро́дичен: **П**реестéственно зачала́ еси́ Су́щаго из Отца́ без ма́тере,/ пребы́вши Де́ва и по рождестве́, Чи́стая:/ Бо́жие бо соединéние обновля́ет естества́ в Тебе́,/

и обновляются существа пределы./ Тем Тя православно, яко Бóга рóждшую, истинно Богорóдицу поём во вéки.

Ия

Ирмós: *На горé святéй прослávльшася/ и в купинé огнём Приснодéвы/ Моисéови тáйну явльшаго/ Гóспода пойте// и превозносите во вся вéки.*

Моисéю подобяся, треблаженне, на гóру возшёл есй и во мрак,/ мýсленный благодáти приём закон, иерáрше,/ тем воспеваем Христá во вéки.

Людй Твоя упас, иерáрше,/ егíпетскую прелесть отразил есй/ и, Вавилóна страстéй убежав,/ Сион гóрний обрёл есй жилище во вся вéки.

Яко мíром, помазався, священноявлénне, слóвом и дéлом благочестия,/ священнодéйствуешй Божéственная, священнейше,/ тем Трóицу во Едíном Существо поёши во вся вéки.

Богорóдичен: *В ложеснá вселívшагося Дéвы/ и Сея ради ужáсно и пáче слóва вётхаго Адáма обновívша,/ Гóспода пойте и превозносите во вся вéки.*

Песнь 9

Ирмós: *Ужасéся о сем Нéбо,/ и землй удивíшася концы,/ яко Бог явíся человекóм плóтски/ и чрэво Твоё бысть прострáннейшее Небес./ Тем Тя, Богорóдицу,// Ангелов и человекó чиноначáлия величáют.*

Возложил есй дýшу твою Избáвителью/ и к Сему усérдно востéкл есй,/ добрóтами украшен свéтло священных подвигов твоих/ и борéний чúдных, всехвáльне ору́жнице,/ светíло вселénныя, церкóвное удобрéние.

Совокупíлся есй со Ангелы, áнгельское на землй жítельство стяжав,/ и с нými поёши во хвалéнии радóстно/ священное песнопéние, Мáманте, Трóице всехвáльно,/ обожаемь Божéственными причáстии и слáвою непреёмною обогащáемь.

Яко имéя дерзновéние к Бóгу,/ божéственное твоё сие торжествó радóстно, мучениче, совершáющая/ и честнóе и священное твоё страдáние вéрою чíстою хвáлящая/ поминáй, всеблаженне, и бúри и бед и напáстей ны спасй.

Богорóдичен: Неискусомúжную Мáтерь сúщих на земли,/ Отрочá раждáюще, кто слы́ша когда/ и Рождénное, Безначáльна Бóга же/ и соестéственна Отцú Пребезначáльному же и Рóждшей преестéственно?/ О, стрáннаго тáинства!/ О, Божéственного общéния, íмже Бóгу соединíхомся!

Ин

Ирмос: Проявлénное на горé законополо́жнику во огни и купинé/ Рождество́ Приснодéвы/ в нáше, вёрных, спасéние// пéснями немóлчными величáем.

Безстра́стием и véрою, надéжду и любóвию/ словеса́ нам жízни вéчныя показáв, мúдре Иоáнне,/ моли́ спастíся душáм нáшим.

Жезлóм Дúха Святáго лúди я́ко упáсша честнýя Цéркве/ и отгнáвша богобóрныя ёреси,/ вси иерáрха восхваля́ем тя.

Я́ко церкóвнаго светíльника и иерáрха,/ во псалмéх и пéниих чествúем тя немóлчно/ и рáку мощéй твои́х, блажénне óтче Иоáнне, великоименíte.

Богорóдичен: Рáдуйся, присноживóтный Истóчнице нетлénия;/ рáдуйся, всесвётлый Сóлнца мýсленнаго облаче;/ рáдуйся, носíло Божества́ всего́;/ рáдуйся, ковчéже свящéния.

Светíлен Окто́иха.

Слáва, мученика.

Подóбен: Ученикóм:

Млекóм воспитáлся еси́ елéней,/ в горáх живбýй, мучени́че Мáманте,/ но явíлся еси́ пáки на трízнищи, страда́в усéрднейше,/ и, побéды взем венéц, ко Гóсподу отшéл еси́.

Богорóдичен: И́же жízни Божéственной и блажénней/ позавíдев ми дрéвле в рай, враг льстíвейший и вселука́вый,/ и Едéма изгнáна сотвори́ мя,/ умерщвля́ется Твои́м рождество́м, Дéво.

НА ЛИТУРГИИ

Прокíмен, глас 7: Возвеселíтся праведник о Гóсподе// и упова́ет на Него́. **Стих:** У слы́ши, Бóже, глас мой: **Апóстол к Рíмляном, зачáло 99.** Аллилúня, **глас 4:** П ра́ведник, я́ко фíникс, процветéт: **Евáнгелие от Иоáнна, зачáло 50.** **Причáстен:** Рáдуйтесь:

Святой мученик Мамант пострадал в 275 году. Он был сыном благородных и благочестивых родителей из рода патрициев, Феодота и Руфины. При римском императоре Аврелиане (270–275) они были заключены в темницу в Кесарии Каппадокийской за исповедание христианской веры. Там сперва скончался его отец, а затем, преждевременно разрешившись сыном, умерла в темнице и его мать. Благочестивая и богатая вдова Аммия, получив разрешение у наместника Кесарии, погребла тела святых Феодора и Руфины, а младенца взяла к себе и воспитала как сына. Младенец не говорил до 5 лет, а затем произнес слово «мамма», отчего и назван был Мамантом. Еще в отроческие годы Мамант обнаружил глубокий ум и проявлял непоколебимую веру во Христа, которую он деятельно исповедовал, утверждая в ней своих сверстников. В возрасте 15 лет он был схвачен за свои христианские убеждения и послан к царю Аврелиану. Действуя то ласками, то угрозами, царь лично пытался убедить святого отрока Маманта поклониться богам, однако святой оставался непреклонным. Тогда царь приказал подвергнуть Маманта жестокому мукам, а затем велел утопить отрока в море. По дороге к месту казни Ангел Господень освободил святого из рук палачей и отвел его на гору близ Кесарии. Там святой отрок устроил небольшой храм для молитвы и жил среди зверей, питаясь молоком диких коз и ланей. Из этого молока он изготовлял также сыры, которыми кормил нищих в Кесарии. Молва о святом отроке стала быстро распространяться, и правитель Каппадокии послал за святым Мамантом воинов, которые воочию увидели диких зверей,

Святой Иоани постник († 595), патриарх Константинопольский, жил в VI веке. Он родился в Константинополе и был вначале золотых дел мастером, ведя добродетельную жизнь и отличаясь христианской любовью к нищим и странникам. В своем доме он поселил монаха Евсевия. И вот однажды, когда они шли вместе и Евсевий оказался справа от Иоанна, он услышал какой-то голос, который обратился к нему со словами: «Не следует

приходивших к отроку, и утрашились этим необыкновенным зрелищем. Святой Мамант пошел с воинами к правителю, взяв с собой льва, который остался ждать его за воротами города. Мученик был снова подвергнут жестокому пыткам, во время которых он услышал голос с неба: «Крепись и мужайся, Мамант!» После истязаний святой был брошен в темницу, где томился от голода около 40 узников. По молитве святого Маманта влетевший через окно темницы голубь принес заключенным пищу, а ночью двери темницы открылись и узники вышли на свободу. Святой же Мамант остался в темнице, а утром его вывели и бросили в горящую печь, из которой он вышел невредимым, подобно трем отрокам Вавилонским. Изумленный чудом правитель приписал все случившееся якобы действующей через Маманта волшебной силе и осудил его на съедение зверям. Однако выпущенные на него голодные звери не тронули святого и кротко склонились к его ногам. В довершение всего в цирк внезапно ворвался пришедший со святым Мамантом лев и яростно набросился на мучителей своего господина. Во время возникшего смятения один из языческих жрецов нанес трезубцем жестокую рану святому Маманту, так что святому мученику пришлось поддерживать руками выпадавшие внутренности. Однако у него хватило сил выйти из города и дойти до пещеры, в которой он лег и уснул. Во сне он услышал голос, призывавший его в Небесные селения, и с радостью предал дух свой Богу. Верующие погребли святое тело мученика Маманта в той самой пещере, где произошла его блаженная кончина, и на этом месте стали свершаться многие чудеса и исцеления.

тебе, отче, идти по правую сторону великого». Монах рассказал об этом Константинопольскому патриарху Евтихию, который убедил Иоанна принять пострижение и священный сан. Вскоре после смерти патриарха святой Иоанн единогласно был избран клиром и народом на святительский престол. Он долго отказывался от этой чести, считая себя недостойным такого высокого служения, однако утрашился видения Ангелов,

говоривших ему: «Ты не принимаешь престола? Пусть будет другой, но от всех нас ты будешь наказан», — и, выразив согласие, принял посвящение.

В сане патриарха святой Иоанн стал предаваться усиленному аскетическому деланию и прославился особо строгой постнической жизнью. По молитвам патриарха свершались многие чудеса, приносившие людям облегчение в их болезнях и невзгодах. Отличаясь милосердием, святой Иоанн был истинным отцом сирот; он кормил нищих, и обиженные и обездоленные всегда находили в нем верного защитника. Святой патриарх проявлял также великую ревность

по Богу и за свое благочестие получил власть изгонять демонов.

Скончался святитель мирно в 595 году. После кончины святого Иоанна, которая сопровождалась чудесными знаменьями, свидетельствующими об особой милости Божией, обращенной на усопшего, в доме его не нашли никакого имущества, кроме ветхой одежды. Патриарх Иоанн правил церковью 13 лет и оставил после себя несколько сочинений, важнейшие из которых посвящены покаянию и исповеди. Тело его было погребено в алтаре церкви святых Апостолов. Память его совершается также 30 августа и в Сырную субботу.

3628 мучеников в Никомидии (III–IV вв.). Мученики эти были христианами, пришедшими из города Александрии, которые уверовали в Господа нашего Иисуса Христа после убиения святого Петра, архиепископа Александрийского. Они прибыли в Никомидию вместе с женами и детьми и добровольно предали себя на мучения, восклицая: «Мы христиане!»

Диоклитиан пытался вначале убедить их отречься от веры во Христа, но, видя их непреклонность, повелел всех их обезглавить, а тела бросить в горную пропасть. Спустя много лет мощи их были обнаружены по происходившим в этом месте чудесам.

Есть предположение, что это те же мученики, память которых совершается 7 февраля.



В
ТОЙЖЕ
ДЕНЬ

Преподобных отцев наших Антония и Феодосия Печерских

ВЕЧЕР

На Господи, возвах: стихирьы, глас 2.

Подобен: Егда от Древа:

Егда духовная благодать озарит ваша сердца, / приснопамятнии и богомудрии отцы, / тогда отмлада Бога вожделесте, / и, Того Единого от всея души ищуще, / мира тленных нивчтоже вменисте, / и, на нетленная взирюще, / многия труды и подвиги подъясте, / и ныне, на ложах праведных упокоющися, // помяните память вашу почитающих.

Егда духовный пламень распалил ваш ум, / преподобнии отцы, / тогда, мокроту душевных страстей постническими труды изсушивше, / видением и деянием горю вознесостеся, / и, Христу Единому совокуплешися, / тесный путь неблаженно преидосте, / и вражия

ополчѣнія/ до конца разрушите,/ и ныне, в Небѣсном
отѣиши водворяющесе,/ поминайте стадо ваше, // еже
собрасте мѹдрым окормлѣнием.

Егда духовный свет от еже свѣше/ осия ты, преподобне
отче Антоніе,/ тогда, мглы страстей избѣг,/ от глубокаго
смирѣнія в темную пещеру вселився,/ ни света чувствѣннаго
себѣ зрѣти достойна осудив,/ Небѣсный свет узрѣти желая,
егоже и не лишися по кончине блаженней,/ но несредственне
предстои Святѣй Троице/ с Феодосіем богомѹдрым,/ с нимже
помяни рабов своих, // любовию память вашу почитающих.

Слава, глас 4:

Яко Христовых делателей/ и Небѣснаго Сиона гражданов,
инокующих украшѣние/ и постников умное сияние,/ преблаженных
отец Антонія и Феодосія,/ приидите, людіе, пѣсньми память
почтѣм, // яко ходатаев спасѣнія нашего.

И ныне, Богородичен.

На стиховне стихиры, глас 4.

Подобен: Яко добля:

Яко свѣйственно и изрядно/ во празднественный день
памяти вашей,/ преподобнии отцы,/ дароносити вам пѣсенныя
похвалы,/ но брѣнных устѣ по достоинию не возмогут вещати,
тем, яко Трисицѣльному Престолу предстояще,/ молите и нам
подати свѣше силу/ воспѣти славу Христа Бога, // дивно прославляющагося
во святых Своих.

Стих: Честна пред Господем // смерть преподобных
Его.

Яко крылатии и небошѣственнии орлы,/ от востока и юга
взѣмшесе,/ златыми добродѣтелями опернѣтевше/ и Небѣсным
желѣнием водими,/ притекѣсте ко святѣй горѣ Печерстей,
отонюдуже по кончине/ на Небѣсныя преселѣстесе горы/
и предстоите Христу Богу, // спасающему души наша.

Стих: Восхвалятсе преподобнии во славе // и возрадуются
на ложах своих.

Ангельский собор/ и человѣческий род/ духовне торжествуют
благонарочитый день/ богоносных отец, / Антонія дивнаго и
Феодосія всехвалянаго, / яко

постников верховных,/ ихже призывающе, молимся:/ спаси, Христэ Бóже, люди Своя// и даждь силу нам на супостаты.

Слава, глас 8:

Кто по достоянию восхвалит/ ваша труды и подвиги, богоноснии отцы?/ Вы бо, поставльше ум владыку,/ на страсти пагубныя постом вооружитесь,/ мужески естество лучшему покорите,/ плоть поработивше душевному разуму,/ темже Российским иноком явитесь начальницы/ и пещерам жителие известнейшии,/ душевным недугом исцелителие,/ но, яко врачеве безмезднии,/ и наша болезни исцелите// и молитесь спастися нам.

Тропарь, глас 4:

Звезды мысленныя,/ просиявшия на тверди Церковней,/ иноков Российских основание/ песнями, людие, почтим,/ радостныя похвалы сим воздающе:/ радуйтесь, преблаженнии отцы, Антоние со Феодосием богомудрым,// присно молящимися о возследствующих и чтущих память вашу.

Ин тропарь, глас 3:

Двоицу начальных российских светил почтим,/ Антония, Богом посланнаго, и Феодосия, Богом дарованнаго:/ тии бо первии, равноангельным в России житием просиявше от гор Киевских,/ осветиша отечества нашего вся концы,/ и путь к Небеси правый многим показаша,/ и, первоотцы иноком бывше,/ лики спасаемых Бóгови приведоша,/ и ныне, предстояще в вышних немерцаемому Божеству Свету,// молятся о душах наших.

НА УТРЕНИ

По 1-м стихословии седален, глас 5.

Подобен: Крест Господень:

Крест Господень на рамо вземше и Тому Единому любвию привязавшися,/ тесным путем стопам Владычним последовасте/ и сим отверзосте себе райския двери,/ тех внутрь ныне суще, древа животного наслаждаетесь,/ яко добрии раби Владыки Господа.

Слава, и ныне, Богородичен:

Собезначальный Сын, Отцу и Духу Сопрестольный,/ от чрева Твоего, Чистая Мати Дево,/ человеческое естество за мира любовь воспроят,/ быв Человек, да человеческое обветшавшее обновит естество,/ сего ради, яко виновну обновлению нашему,/ песньми чтуще, достожджно величаем.

По 2-м стихословии седален, глас 1.

Подобен: Лик ангельский:

Иже на хвалу днесь богоносных отец собравшиися людие,/ приидите, узрим российских иноков изрядное украшение,/ сия бо суть мысленная очеса, видящая Свет неприступный,/ сия бо суть две маслины, услаждающия постнические лики,/ сия бо суть два свещника,/ просвещающии души радостно память их почитающих.

Слава, и ныне, Богородичен:

Украсися Дева девственными добротами,/ ряснозлатых величий высотой преиспещрена,/ над Серафимы ста, яко Царьца, одесную Престола на высоких./ Не забуди люди Твоя и дому селения Твоего,/ но одеяние безсмертия даруй Тебе любовьию восхваляющим.

По полиелее седален, глас 8.

Подобен: Повеленное тайно:

Двоицу преблаженных отец, приидите, днесь восхвалим,/ Антония, российских иноков верховнаго,/ и Феодосия, во трудех и подвизах сему равнаго,/ сия бо суть две скрижали, мысленне закон постнический прописавшии/ и показавшии путь сонаследником неблазненный войстину,/ ов боговидения предтекий светом,/ сей же деянием восхождение положи ко райскому селению,/ идеже ныне водворяющесе, помяните песньми память вашу величающих.

Слава, и ныне, Богородичен.

Небесная поют Тя, Обрадованная,/ и земная славят непостижимое Рождество Твое, Дево Чистая,/ Бог бо от Твоих кровей облечесе в наше существо,/ и мир от лести свободи, и научи воспевати Матерь Тя присносущнаго Света.

Канон святых, глас 4.**Песнь 1****Ирмос: Отверзу уста:**

Яко грубословен и косноязычен,/ недоумя вам, преподобнии отцы, хваление принести, молюся:/ дарствуйте молитву о мне,/ еже датися отсвыше дару воспети память вашу,/ славна бо есть миру и славно прославися.

От младых ногтей в дар принесосте себе Божови,/ о преблаженнии отцы,/ темже, прием ваше благое предприятие,/ благодатию Духа наставил вы есть на путь правый.

Заповедей спасенных послушавше,/ жизнь временную преобидесте/ и, Крест Господень на ramo вземше, мрачный мир непреткновенно преидосте,/ Небесным желанием водими.

Отчество, родители, други и богатство, аки прелесть, отвергше,/ горний Иерусалим Бога же Отца,/ не стыдящагося вас братию нарицати, Христа,/ един бисер взыскати тесным путем изволисте,/ Антоние свободоимените и Феодосие благодарованне.

Яко пустыннолюбныя горлицы, гор Печерских достигше, богоноснии отцы,/ во подземная места вселитесь/ и, на твердом духовнаго желания основании гнездо свое положше,/ богопеснивыя породисте птенцы, иночествующих лики.

Троицен: Слава Ти, слава, Троице Пресвятая,/ тихообразно подающая благодать в сердца верных,/ да скончаем хваления святых дело и возвеселимся зело,/ честнии друзи Твой, Господи.

Богородичен: Управи ум мой, Пречистая, во хвалении преподобных Твоих,/ да не уклонься в неподобная, пленится в работу лукавства,/ и буду радование чуждему.

Ин канон, творение святого Димитрия, митрополита Ростовскаго. Глас 8.

Песнь 1

Ирмос: Воду прошед, яко сушу,/ и египетскаго зла избежав,/ израильтянин вопияше:// Избавителю и Богу нашему поим.

Воды мирскаго мятежа, аки Моисей с Аароном Черное море, / преподобный Антоний с Феодосием блаженным немокренно преидоста / и, без вреда пристанища Небеснаго достигше, радостно возгласиста: / Избавителю и Богу нашему поим.

Волнами житейскими влаяйся аз, окаянный, / и, да не погрязну фараонитски в глубине зол, / бояся, к вам вопию: о отцы преподобнии, / Избавителю и Богу нашему о мне помолитесь.

Водами слез твоих фараона мысленнаго потопил еси, Антоние, / во умерщвленном же телеси, аки в тимпане, победная воспел еси, Феодосие, / оба же о ны моление Избавителю и Богу нашему принесите.

Богородичен: Воды страстей моих изсуши, рождающая Незаходимое Солнце, Христа, / и на сух путь безстрастия настави мя, / добрая Путеводительнице, / да благодарственная Избавителю Богу нашему / и Тебе воспою во веки.

Катавасия: *Крест начертав:*

Песнь 3

Ирмос: *Твоя песнословцы:*

Яко елень, возжаждав духовнаго пития, отче Антоние, / от Печерския горы на Афонскую гору, скача, пришед, / обрете струй ангеловидных отец жития, / и сим поревновав, от потока учения их испив, и утвердися.

Второго тя Моисея, Антоние, скрижали добродетелей на Печерскую гору принесшаго, / слышав, Феодосий, притек, глаголя: / вчини мя в сих любовь, утверди мя в них, аки в мирех, / уязвен бо есмь любовию сопоследовати хриstopодражанному житию твоему.

Любовию и желанием ко Богу / единоумне сопрягшися, отцы преподобнии, / на колесницу смирения, нищеты, терпения и чистоты вседосте / и превысоких достигосте святых селений.

Кто не удивится вашему житию, о преблаженнии отцы? / Кто не почудится ревности по Бозе? / Яко во плоти суще, Ангелом весьма уподобистесь, / ихже и сожителie суще ныне, не забудьте и нас, / песньми вас ублажающих.

Троицен: Непостижимая благодать и действо Твое, во Троице Единый Боже: / яко бранных воскриляеши

горé/ и от миродержáвныя но́щи вы́спре ко свéту воз-
вышáеши, привóдиши и устрóеши,/ Бог бо есí и
творíши, елика хóщеши.

Богорóдичен: По вели́чию Твоему́, Пречíстая, бла-
жáт Тя вси рóди,/ и мы с ними блажím пéсньми, чтúще
Тя раболéпным поклонéнием, и величáем.

Ин

Ирмо́с: Небéснаго кру́га/ Верхотво́рче, Го́споди,/ и
Цéркве Зиждíteлю,/ Ты мене́ утверди́ в любви́
Твоей,/ желáний Кра́ю, вéрных Утверждéние,// Еди́не
Человеколю́бче.

Небéсное житиé в пещéрах земных показáсте,/ отцы́
преподóбнии,/ утвержда́ющесе же в любви́ Бóжией,/ желáемаго гóрняго кра́я достигóсте/ и зрéти сподóби-
стесе Еди́наго Человеколю́бца.

На Небéсный круг востéкл есí, свя́те Анто́ние,/ к
Небéсным обителем преста́вился есí, преподóбне
Феодо́сие:/ та́мо оба мо́льбу о нас, грéшных, принесíte
к Еди́ному Человеколю́бцу.

Небéсных благ лиш́вся аз, ока́янный,/ к вам при-
тека́ю, о Небéснии гра́ждане:/ да не в конéц отчуж-
дён б́ду ча́сти спаса́емых,/ умо́лите о мне Еди́наго
Человеколю́бца.

Богорóдичен: Небес протра́ннейшая Богородíteль-
нице,/ Невместíмага вместíвшая в пречíстых ложес-
на́х Тво́их,/ сподóби мя, грéснаго, получи́ти ме́сто в
селéниях пра́ведных/ и с те́ми наслажда́тися лице-
зрéния Еди́наго рождéннаго от Тебе́ Человеколю́бца.

Ин конда́к, глас 2:

Твёрдыя столпы́ благочéстия,/ недви́жимая ино́че-
ских законоположе́ний основа́ния/ и необори́мая
сте́ны Росси́йския восхва́лим:/ Анто́ния, возлю́бльшаго
Бо́га,/ и Феодо́сия, возлю́бленнаго Бо́гом:/ труды́ бо
о́нех и по́стническа́я по́двиги при́ят па́че вся́каго все-
пло́дия// Еди́н во святы́х прославля́емый.

Ин и́кос:

Ко́е похвалéние принесём двóице вели́ких уго́д-
ников Бóжих:/ Анто́нию, обрётшему́ благода́ть пред
Го́сподем, Феодо́сию, сподóбльшемуся благода́ти
от Го́спода,/ обе́ма же послужíвшима Богоблагода́тней

Пречістей Деве?/ Якоже бо дрэвле два Херувіма славы
бяху стояще у кивота завета,/ сїце кивоту одушевлен-
ному, Божией Матери,/ сїи два отцы преподобнии
предстояста вїну,/ хваляще воплощагося от Нея
Бога,/ и ныне предстоят с Херувимы Престолу непри-
ступныя славы,/ аможе предста Царїца одесную,/
крилами же непрестанных своих молений осеняют Рос-
сию,/ и умилоствляемый ими бываает с Богородицею
Христос Бог,/ Един во святых прославляемый.

Седáлен, глас 4:

Небесное богатство и присносущную славу тща-
щеса воспрїяти,/ нищету и смирение смирившагося
Владыки воспрїяте/ и миру себе распяте со похотью
и страстью,/ тем, блажаще память вашу, преподоб-
нии отцы наши Антоние и Феодосие, молим:/ молити
Христа Бога даровати нам велию милость.

Ин седáлен, глас 2:

Моление твое теплое, Антоние преблаженне,/ огонь с
небесé сведе на место, идеже ныне основася Богородична
церковь,/ твоя же прилежная мольба, богоносе Феодосие,
на то же место благодать Божию образом дуги
от ветхия церкви преведе:/ оба бысте чудотворцы, оба
теплии к Богу молебницы, оба велицыи Того угодницы;/
и ныне молитвами вашими попалите хвастие грехов
наших,/ и благодати Божией приобщите ны,/ и от бед
избавляйте нас, вскоре представляюще.

Слава, и ныне, Богородичен:

Небесных и земных Царїца сущи,/ не забуди нищих
нас рабов Твоих,/ но, яко всемогущая, от Своих сокровищ
подаждь милостию прощение грехом нашим,/ яко
человеколюбивая Человеколюбца Мати.

Ин Богородичен:

Моление теплое и стена неборимая,/ милости
источнице, миру прибежище, прилежно вопиём
Ти:/ Богородице Владычице, предвари и от бед избави
нас,/ едина вскоре представляющая.

Песнь 4

Ирмос: Седяй в славе:

Самовластная ума, отче Антоние, оставль,/ под иго
Владычне преклонился еси, емуже и доблественный

Феодосий припрягся:/ пленитесь в послушание Христово и бысте добрии делателие,/ единоправны сердцем и духом.

Не утрашиша вас в темных пещерах демонская страхования,/ доблемудреннии воины, преподобнии отцы,/ но падеса ратуяй вас под ногами вашими,/ низвержен оружием теплыя ко Богу молитвы.

Твердое ваше и жестокое житие видев, Всеблагий Бог/ от темных мест просвети вас дарованием чудес/ и славы сотвори миру, ихже недостойн бе мир,/ в горах и вертепах крьющихся толиких светил.

Яко пресветлая светила/ постави вас Бог, преподобнии отцы, на свещницы с под спуда,/ и просветите жития добродетельми иночествующих лики,/ иже, собрани, добре пожиша вашим наставлением.

Троицен: Царю царем, Всемогущая Троице,/ брения немощию обложеным нам, рабом Твоим, даждь благодать/ ясно пети память преподобных Твоих,/ в нихже удивил еси вся хотения Своя, Боже.

Богородичен: Всесильная Владычице, нас, немощных,/ препояши силою на сопротивных,/ подающи немощней плоти крепость:/ о Тебе бо и немощнии крепкия враги побеждают/ и победительная в песнях даруются.

Ин

Ирмос: Услышах, Господи,/ смотрения Твоего таинство,/ разумех дела Твоя// и прославих Твое Божество.

Услышав глас Господень в Афоне к игумену, глаголющ:/ послй Ми Антония в Россию, яко тамо его требую,/ и прииде Антоний в новопросвещенную страну повелением Господа своего,/ и прослави Того Божество.

Услышав Феодосий глас Христа, во Евангелии глаголюща:/ грядите по Мне и возьмите иго Моё на себе,/ абие, вся яко уметы вменив, во след Его пойдё/ и прослави Того Божество.

Услышавше равноангельное двою тою отцу в пещерах пребывание,/ мнози стекышася к нима подражати постнических подвигов/ и, образом добродетельнаго ею жития наставльшеся угождати Богу,/ прославиша Того Божество.

Богородичен: Услы́ши, Влады́чице, стenanіe и мольбы́ христоименітых людeй, / прізри на озлобленіe и гóрeсть утесняeмых отвсюду, / виждь слeзы и рыданія сущих в бeдax и скорбeх и умилосeрдися на рабы́ Твоя́, / да Тя, Богородицу, прославляeм.

Песнь 5

Ирмос: Ужасóшася вся́ческая:

Учeніем и творeніем бы́сте образ иночествующим, / отцы́ треблаженни, / и ва́шим наставленіем мнози успeша в за́поведи Господни / и сих исполнeніем ко гóрнему шeствию благий путь уллучи́ша.

Прорóческим сподóбльшеся даром, достохвáльнии отцы́, / ов бо огонь указáтельный на мeсто с небесі упáсти сотвори́, / ов же ску́дную житницу молітвою му́ки испóлни, / от тех дарóв крупіцами насы́тити дýши на́ша мо́лимся.

Я́ко законода́вцы, по́стническим ликóм предтеко́сте: / ты, óтче Антóние, скрижа́ли дея́ния и видeния предлага́я, / богодан́ный же Феодóсий жезло́м правленія мо́ре страстeй пресeк, / предхождeние тем показу́я во обетовáнную зeмлю.

Уповáнием б́дущих благ себe вооружі́вше / и Крестá меч в руках иму́ще, / победі́сте мы́сленнаго Амалі́ка, / и на́ша враги́ пособі́те победі́ти, / я́ко предводі́телей на́ших, мо́лим вы, отцы́ преподóбнии.

Трóичен: Миродáтельная Трóице, Единочeстный Бóже, / мир ограді́, правосла́вныя люди́, предстоя́щия в честнeм хра́ме преподóбных Твои́х, / храм Себe сотвори́я сердца́ принося́щих Ти песнь хвалeния.

Богородичен: Мирополо́жнице и скі́ние Пресвятáя Бóга Сло́ва, / нам сло́во даждь и мысль упра́ви, / во eже пeти Тя, я́ко Благо́ю Благо́му Роді́тельницу.

Ин

Ирмос: Просветі́ нас повелeнии Твои́ми, Гóсподи, / и мы́шцею Твоею́ высóкою / Твой мир пода́ждь нам, // Человеколю́бче.

Просветі́шася, я́ко небеса́ двема́ светі́лами, / гóры Кіевскія двема́ начальнейшими отцы́ преподóбными, / Антóнием, áки солнцем, Феодóсием, áки луно́ю, / и свет святы́ни их во тьме пещeрной светя́ше, и тьма

не объят их:/ людіе же, на свет добрых дел ею взирающе,/ прославляху Отца Небеснаго.

Просветіся вся Россія лучами чудес ваю,/ сынове немерцающаго Свѣта, отцы преподобнии,/ аще и под спудом пещерным скрыстесе:/ творимая бо вами богоугождѣнія втайне/ показá Бог яве и прослави прославляющих Его.

Просвещаетесь ныне, аки солнце, во Царствии Небеснем, о богоблаженнии:/ просветите помраченную мою душу/ и на светлую заповедей Божіих стезю настáвите мя.

Богородичен: Просвети лице Твое на рабы Твоя, Христѣ, Свѣте истинный,/ и, отгнав тьму прегрешений наших, свѣта присносущнаго общники сотвори ны,/ ради Рóждшия Тя и преподобных Твоих, Человеколюбче.

Песнь 6

Ирмос: *Божественное сие и всечестное:*

Вышше естества человѣческаго подвигшесе, преподобнии,/ уподобистесе безплотных чином,/ темже и почесть сих улучисте;/ сея благодаранныя вам благодати и нас, чада ваша, не лишите/ ходатайством своим ко Богу, молимся.

Вам, аки неусыпным стражем,/ Дева и Богомати ввери дом Свой, ебоже пасосте,/ от волков мысленных стрегуще в нем собранное вами стадо, о преблаженнии.

Всегдашним яже к Богу умá воскрилием/ и воздеянием рук, преподобнии отцы, ставше,/ Духу Пресвятому селение себе сотвористе,/ темже вас, аки дом Божий преукрашен, хвалами украшаем.

Сия еста преудобренная отца, аки Херувими, осеняющии дом Богоматере,/ и аки премудрии вожди иноческому лику,/ ихже не удалитесь заступати во всяких нуждах и скорбех.

Троицен: Троице Пресвятая,/ желательное достойние давшая во скіниях святых богоносным первоначальником нашим,/ сих ради и нас того сподоби,/ в жизни сей сохраняючи от языческих находжений.

Богородичен: Ты, Заступницу міра и Богоматерь, всего животá моего спасение предлагаю,/ Ты бо, Бога рóждши, спасти можещи поющия Тя/ и в заступление крова Твоего прибегающия.

Ин

Ирмос: Молитву пролию ко Господу/ и Тому возведу печали моя,/ яко зол душа моя исполнися/ и живот мой аду приближися,/ и молюся, яко Ибна:// от тли, Бóже, возведи мя.

Молитву излият еси ко Господу, преподобне Антоние:/ да будет по всей земли роса, на месте же имевшая быти церкви суша;/ и паки: по всей земли суша, на месте же святем роса,/ и услышан был еси вскоре./ Молю, и о мне помолися, да влаги моя изсушит страстные,/ иссохшее же сердце мое росой благодати да оросит/ и от тли да возведет мя Бог мой.

Молитвами твоими, преподобне Феодосие,/ обитель твоя во оскудениих наполняшеся земных благ;/ душе моей скудной, не имущей добрых дел,/ исходатайствуй спасительная благая, и от тли да возведет мя Бог мой.

Молитвами преподобных Твоих угодников, Антония и Феодосия Печерских,/ изливавших пред Тобю сердца своя/ и молящихся к Тебе о всем мире вину,/ от тли, Бóже мой, возведи мя.

Богородичен: Молитву мою по Господе Бóзе к Тебе, Госпоже Богородице, проливаю/ и возведу моя душевные печали:/ яко злыми моими дела в погубель влекомь есмь/ и не исправляюся,/ греховным оружием уязвляемь есмь и не чувствую,/ кит преисподняго ада пожрети мя хочет, и не бегу от него;/ обаче к Твоему милосердию вопию:/ от тли, Владычице моя, возведи мя.

Кондак, глас 8:

Двоицу великих отец и правило иноков светлое,/ умныя зары, небесившая Российскую Церковь,/ кто по достоянию хвалами воспоет?/ Тии бо Престолу Божию предстоят./ Но, яко имущии дерзновение ко Святей Троице,/ Антоние преблаженне и Феодосие приснопамятне,/ молитесь о молебная вам приносящих// и любовьию песньми вас убожающих.

Икос:

В присносущнем Пресвятыя Троицы Божественном свете/ да воспримете селение, преподобнии отцы,/ вся лета жизни сея в тесной пещере пожившии;/ темже

и, преставльшеся от временных, великим чудес дарованием от Господа сподобистеся: / болезни исцеляти, бесы от человек прогоняти / и без вреда обитель свою сохранять, заступающе в скорбех; / молитесь о молебная к вам приносящих / и песнями любовью вас убожающих.

Песнь 7

Ирмос: *Не послужиша твари:*

Благую жизнь zde поживше, блаженные кончины сподобистеся, отцы святии, / престависте бо ся от временных к вечным честною смертию, / яже бывает честна преподобных Твоих, / Господи Боже отец наших.

Равными труды ниву душ ваших возделавше, преподобнии, / равная семена добродетелей посеясте / и по кончине равных воздаяний пожинаете радостотворныя рукояти, поюще: / Господи Боже отец наших.

На воде покойне при источнице вод пресладких, / на ложах преподобных упокоющеся, преблаженнии отцы, / от потока сладостнаго поне каплею вашае благодати / чада ваша обдарствите, поющия в день памяти вашае: / Боже отец наших.

Троричен: Трорическое нераздельне, раздельне же Лицы, обаче Едино чем Божество, / Безначальна Отца, Собезначальна Сына и Преплагословеннаго, от Отца исходящаго Духа.

Богородичен: По Божественному существу Отцу Своему Единосущественный Бог Слово / от Девы единестествен человек явися, / плоть прием из пречестных кровей / и благословенную нарек Свою Матерь.

Ин

Ирмос: *От Иудеи дошедше, отроцы / в Вавилоне иногда / верою Трорическою пламень пещный попраша, поюще: // отец Боже, благословен еси.*

От горы Афонския блаженный Антоний в Россию пришед / и, да будет на месте сем Святый Горы благословение, / рек, поюще: / отец наших Боже, благословен еси.

От дому родительню преподобный Феодосий к Иерусалиму тещи желая, / на горы Киевския прииде и сотвори я своею святинею, яко Сиона; / труды же своими

распространив обитель, яко Иерусалима, пояше:/ отец наших Бóже, благословен еси.

От мирских любосластных страстей,/ аки от вавилонскаго пламене, неопальни соблюдшися, отцы святїи/ ныне в Цérкви торжествующих с радостію вопіют:/ Едино́й в Трѳице Бóже отец наших, благословен еси.

Богорóдичен: От Христа́ Бóга посыла́хуся на проповедь два два,/ а́може Сам идти́ хотя́ше;/ Пречістая же Дѣва Богорóдица, хотя́щи Самá новопросвещенныя лю́ди россия́скія посетити/ и сотворити Себе́ посреде́ их селѣние,/ посла́ в Росси́ю, а́ки апóстольскую дво́ицу,/ сия́ два избранныя рабы́ Сво́я, Анто́нія и Феодо́сія, пою́щія:/ воплощенный от Дѣвы Христѣ́ Бóже,/ со Отце́м и Ду́хом благословен еси́.

Песнь 8

Ирмо́с: О́троки благочесті́выя:

Гра́ды и оте́чества сво́я, якоже Авра́ам, оста́viste,/ вѣшняго гра́да со Авра́амом жителіе ны́не, богонóснии отцы́, сущѣ,/ оттуду посетите нас в день пáмяти ва́шея/ и умо́лите Христа́ с ва́ми нам пѣти во ве́ки.

И́же ва́ше торжество́ прáзднующим днесь, о святїи угóдницы,/ мо́литесь избáвитися всякаго вра́жия навета́, от ва́рварских нахождѣній,/ на сопроти́вных возвыша́юще рог христиáн правосла́вных,/ пою́щих Го́спода во ве́ки.

Мілостивно о нас простира́йте рúце сво́я ко Влады́це, святїи первоначáльницы на́ши,/ и неотлúчно назира́йте ста́до ва́ше, якоже обеща́стесь,/ сохраня́юще то от волко́в мы́сленных,/ сподóбите же с ва́ма пѣти Го́спода во ве́ки.

Сла́вити ва́шу пáмять кто не восхо́щет,/ той да не улучи́т вѣчныя сла́вы,/ нам же, сла́влящим, умо́лите Го́спода, иде́же ли́цы святых, иде́же собо́р преподо́бных со А́нгелы,/ пѣсньми превозно́сити Го́спода во ве́ки.

Трѳичен: Я́ко на превознесѣнную возше́дше го́ру, приидіте, лю́дие,/ ста́нем во хра́ме преподо́бных первоначáльников Печѣрских и просла́вим Трѳицу Пресвяту́ю,/ Я́же нас собра́ во днѣшний день просла́вити пáмять святых Сво́их.

Богорóдичен: Святую гóру Бóжию и селéние Вь́шняго мýдрствующе Тя, Дéво Чíстая, зовём:/ сла́ва Ти, ма́терем и дéвам сла́во и похвало́ челове́ческаго рóда.

Ин

Ирмо́с: Царя́ Небéснаго,/ Егóже пою́т во́и а́нгельстии, // хвалíte и превозносите во вся вéки.

Царя́ Небéснаго в а́нгельском чинú просла́вити хотя́,/ пещéру житиём твоём равноа́нгельным соделал еси́ а́ки Не́бо, Анто́ние свя́те,/ и, земных А́нгелов лик собра́в, глаго́лал еси́ к ним:/ Егóже пою́т на Небеси́ во́и а́нгельстии,/ Того́ мы на земли́ хва́лим и превозно́сим вь́ну.

Царю́ Небéсному вво́инитися хотя́,/ желе́зом прикова́лся еси́, а́ки во́инским поя́сом препоясу́ясь, Феодо́сие терпеливоду́шне,/ и подвиза́лся еси́, я́ко добр во́ин Иису́с Христовъ,/ дóндеже, мир и плоть одолéв, врага́ диаво́ла победи́л еси́,/ торжéственнo хваля́ и превозно́ся укрепля́вшаго тя Го́спода.

Царю́ Небéсному с во́и а́нгельскими ны́не на Небеси́ предстоя́ще,/ не забúдите нас, притека́ющих к вам, о отцы́ преблаже́ннии,/ да и мы сподóбимся с ва́ми в бóдущей жи́зни хвалíti и превозно́сити Христа́ во вéки.

Богорóдичен: Царя́ Небéснаго рóждшая, Богоневéсто Влады́чице,/ сподóби ны ча́сти пра́ведных,/ да с ними́ кúпно восхва́лим рóждшагося от Тебé Влады́ку/ и просла́вим во вéки.

Песнь 9

Ирмо́с: Всяк земнорóдный:

И́же вéрою приходя́щим ко хра́му ва́шему, святии́ отцы́,/ утешéние подава́йте в ско́рбех,/ сохраня́юще сих разли́чных озлоблéний,/ я́ко да вас, заступни́ков на́ших, присно велича́ем.

А́ки десятистру́нная гусли́ и велегласная труба́,/ Печéрская ва́ми сограждéнная Лавра́ проповéдует ва́шу па́мять,/ Анто́ние богомýдре и Феодо́сие достохва́льне,/ созыва́ющи лю́ди на хвалу́ и по́честь,/ ихже и мы велича́ем.

Принесéнное в дар благодарственнoе на́ше пéние на́зрите, преподóбнии отцы́,/ и тихосмотрительным о́ком и́же грубогранесло́вное испра́вите,/ приéмлюще

не яко в дар, но яко во сердце наших к вам рачение,/ имже вас днесь величаем.

Владычней подобящися благодати,/ аки две лепте, пение и делание сие от нас приемше, преблаженный отцы,/ испросите грехом оставление,/ в час же конечный предстаните нам, обнадяюще упованием дойти,/ идеже святии Христа Царя величают.

Елико духовную благодать Пресвятаго Духа во грубый разум,/ толико воспети дерзнух память вашу, Антоние святе и Феодосие блаженне, сим наворачая:/ дающему молитву молящемуся и пение хотящему/ Богу Единому слава буди, буди.

Богородичен: Хотением смотрения Своего вся сотворивый, Пречистая,/ из Тебе воплотивыйся Бог Истинный и Человек Совершенный.

Ин

Ирмос: *Воистину Богородицу/ Тя исповедуем,/ спасеннии Тобою, Дево Чистая, // с безплотными лики Тя величающе.*

Воистину мертвы показались миру,/ прежде погребения в пещеры, недра земная, аки во гроб, всельшися,/ но Богови живы бесте, богомысленными вашими умы к Небеси паряще/ и со безплотными лики Того и купно Родшую Его величающе.

Воистину житие ваше ангельско бысть:/ во плоти бо суще, не радисте о плоти,/ но, аки пленника, ту, умерщвленными смиривше, покористе духови и безплотных подражасте,/ неусыпно Господа и Госпожу Богородицу величающе.

Воистину наследницы Царствия Небеснаго сотвористесь,/ земная наследия презривше и отчуждившися суетнаго мира,/ присвоистесь Богови и, разрешшися союзов плоти, со Христом ныне жительствуете,/ со безплотными лики Тому и Пренепорочней Того Матери предстояще и о нас молящися.

Богородичен: **Воистину** Тобою человеческий род получил спасение, о Пренепорочная Дево Марие!/ Ты бо соединила еси с человеком Бога,/ в пречистой Твоей утробе воплотивши неизреченное Отчее Слово,/ Ты и нас, грешных, удалившихся от Господа,/ паки к Господу

приблѣжи, и примири, и присоедини Емѹ,/ да со безплѣтными лики, купно и с теми, иже во плѣти ангельски пожѣша,/ и Тебѣ, и рѣдшагося от Тебѣ Христа Владѣку величаем во вѣки.

Светѣлен:

Свѣта сѹще вѣшняго ближайшии граждане/ и прекраснаго Иерусалима насѣльницы святѣи,/ нѣжных, вѣну ратуемых, посетѣте и подавайте помѣщь/ вашу честнѹю пѣмѣть нѣне восхваляющѣм.

Богородичен:

Свѣта Тричѣсленнаго Дѣва сѹщи и Мѣти,/ во свѣте вчинѣ житѣи вѣшнем/ поющѣх нетлѣнное Рождество Твое, Обрадованная.

На хвалѣтех стихѣры, глас 2.

Подобен: Егда от Древа:

Отвѣргше пристрастѣя соѹз и крест свой на рамо взѣмше,/ в теснотѣ и скорбѣх, преподѣбнии отцы, в житѣни сей ходѣте/ и, вѣтхаго человека совлѣкшесѣя,/ призвани есте ко пространному святѣх селѣнию,/ идеже нѣне радующесѣя,/ помяните иже любѣвию// благочестно пѣмѣть вашу почитѣющих.

Рѣки присноживѣя воды посреде гор Печѣрских, преподѣбнии,/ ангельскаго житѣя проидѣте/ и напаяете многѣх чудес течѣньми/ иже с вѣрою и любѣвию к вам прибегающих,/ прохлаждающе тех, в знѣи сѹщих,/ сего ради величаем,// вашу благослѣчне пѣмѣть почитѣюще.

Умѣртвавше телеса своя, отцы богоблаженнии,/ воздержанѣем крѣпким и острѣтою добродѣтелей,/ мѣртва мѣрови вменѣстесѣя,/ но бѣсте живы Бѣгови,/ Егѣже окормленѣем смѣрти вѣчныя избегѣте/ и, на пристѣници вѣшнем нѣне почивѣюще,/ помяните бѣдствущѣх в мѣри страстѣй,/ яко да безбѣдно житѣе прѣйдем и обрящемсѣя с вами,// вашу пѣмѣть вси прѣсно совершающе.

Слѣва, глас 2:

Мѣсли очѣстивше и ум,/ со Ангѣлы и мы торжествѣем/ в благонарочитѣй день преподѣбных отѣц,/

Анто́ния и Феодо́сия,/ псаломски тем припева́юще:/
пра́ведник добродетельми, я́ко фíникс, процветé
уче́ньми,/ и, я́ко кедр, и́же в Ливáne, умно́жися,/ вы
бо, богоблаже́ннии,/ уче́ние творе́ньми прорасти́сте/
и ученикí своя сими украси́сте,/ и́хже, а́ки цвёты,
Христу́ принесóсте,// и с ними моли́тесь о душа́х на́ших.

И ны́не, Богоро́дичен:

Спаси́ от бед рабы́ Твоя́, Богоро́дице,/ я́ко вси по
Бо́зе/ к Тебе́ прибега́ем,// я́ко к неруши́мей стене́ и
предста́тельству.

На Литургии́ служба́ вся преподо́бническая.

Житие и иконописную прорись
преподобного **Антония Печерского**
смотри 10 июля (Минея июль. Ч. 1.
С. 540–542).

Сведения о нем смотри также
28 сентября.

Житие и иконописную прорись
преподобного **Феодосия Печерского**
смотри 3 мая (Минея май. Ч. 1.
С. 149–152) и 14 августа (Минея
август. Ч. 2. С. 29–30).

Сведения о нем смотри также 28 августа
(Минея август. Ч. 3. С. 140–142).

В
ТОЙЖЕ
ДЕНЬ



Пра́зднование Пресвяте́й Богоро́дице, ра́ди ико́ны Ея́, имену́емая «Калу́жская»

Тропа́рь, глас 4:

Засту́пнице от враг иноплеме́нных Необори́мая
Калу́жския земли́/ и Изба́вительнице от смерто-
но́сных язвы́ Милостивая!/ Изба́ви рабы́ Твоя́ от вся-
ких бед и болезне́й,/ с ве́рою и любо́вию прибега́ющия
к чудотворне́й ико́не Твое́й,// и спаси́ души́ на́ша.

Конда́к, глас 6:


Не има́мы песе́ней, ниже́ словес,/
ка́ко досто́йно вос-
хваля́ти Тя,/ Ма́ти Христа́ Бо́га на́шего,/ явле́ния
ра́ди чудотворны́я ико́ны Твоея́ земли́ Калу́жстей,/
то́кмо мо́жем вопи́ти Тебе́:/ не отврати́ ми́лости Твоея́
от нас// и низпосли́ ю́ всем притека́ющим к цельбоно́с-
ней ико́не Твое́й.

Велича́ние:

Велича́ем Тя,/ Богоро́дице Де́во,/ и почита́ем чудо-
творную ико́ну Твою́,/ е́юже благоволи́ла еси́ спасти́
зе́млю Калу́жскую// от наше́ствий вра́жиих и всегуби́-
тельных болезне́й.

Явление чудотворной Калужской иконы Божией Матери произошло в 1748 году в сельце Тинькове (в семи верстах от Калуги), в доме Василия Кондратьевича Хитрово. Обстоятельства этого чудесного события таковы.

Две дворовые девушки помещика Хитрово перебирали на чердаке его дома хранившиеся там старые вещи. Одна из них, Евдокия, отличалась несдержанным нравом. Несмотря на все уговоры своей скромной подруги, она позволила себе резкие и даже непристойные речи. Во время начавшихся пререканий среди вещей был случайно обнаружен большой сверток сурового холста. Развернув его, благоразумная девушка увидела изображение женщины в темном одеянии с книгой в руках. Приняв изображение за портрет монахини и желая образумить Евдокию, она пригрозила ей гневом игумении. Евдокия ответила на слова подруги бранью и, поддавшись раздражению, плюнула на лик. Тотчас же с ней случился припадок, и она упала без чувств. Испуганная подруга рассказала о случившемся в доме. Евдокию положили под святые иконы. В следующую ночь родителям Евдокии явилась Царица Небесная. Она открыла им, что это над Ней кощунственно надругалась их дочь, и повелела им совершить молебен перед поруганной иконой, а больную окропить освященной на молебне водой. После службы Евдокия выздоровела, и помещик Хитрово, взяв чудотвор-



ную икону в дом, открыл ее для почитания.

Через эту икону Матерь Божия проявила свое покровительство Русской земле, особенно в тяжелые для нее времена. Первое празднование ей совершается 18 июля, в память избавления от холеры (1748). Второе празднование совершается 2 сентября, в воспоминание избавления от чумы (1771). Третье празднование совершается 12 октября, когда вспоминается избавление от французов (1812), а четвертое — в первое воскресенье Петрова поста.

